

四庫全書

子部

欽定四庫全書

小兒衛生總微論方卷九

吐瀉論上

小兒吐瀉者皆由脾胃虛弱乳哺不調風寒暑濕邪干於正之所致也其証不一今條叙之

吐哕嘔附

吐逆自生下便吐者此是兒初生之時拭掠口中穢血不盡因咽入喉故也

吐逆膏肓滿悶氣急者此因兒啼哭未定氣息未勻乳母忽遽以乳飼之兒氣尚逆乳不得下停滯於膏肓之間因更飲乳前後相沓氣不宣通故氣逆而乳隨出之為吐也宜調其氣而止吐古書亦曰大哭之後食乳者多成吐瀉也

吐逆腹脹喘息乳不化夾青水面青唇白者此因乳母冒寒取涼食冷飲寒致冷氣入乳變壞其汁而不捻去仍以飼兒或能食者因以冷物飼之其冷乳冷食入腹

與氣相搏傷於脾胃則氣逆而吐也其証若此宜溫胃
止吐調氣若傷重有停滯者以穩藥磨化不可駛下恐
脾胃愈虛而生風也凡風冷變壞之乳當捨去之暫斷
乳兒令乳母服藥溫腹然後飼兒若不捨去非只令兒
吐逆腸胃虛者冷因得入亦下利也

吐逆身熱吐奶成片子者胃有熱也此因乳母胃熱或
因飲酒熱入其乳變壞其汁而不捨出仍以飼兒或兒
乘熱哺啜致熱氣入胃與氣相搏致氣逆而吐也其証

若此如久有積熱者必四肢生瘡多渴而面黃宜微下之虛者以穩藥磨化後調其氣

吐逆身熱鼻青呵欠煩悶口中氣熱夜間發躁者此傷風吐也因解脫失宜風冷襲之搏於血氣故身熱呵欠煩悶口中氣熱也氣不得順故逆而作吐也宜調氣止吐發散風冷

吐逆唇黑面黃多啼有痰吐氣臭者此脾胃有傷也宜先下之後調其氣

吐逆早晚發熱睡卧不安者此驚吐也心熱則生驚故
睡卧不安而神不寧也心神不寧則氣血逆亂而吐也
宜與鎮驚去熱止吐

吐逆面眇白無精光口中氣冷口頻撮不思乳食吐水
者胃氣不和也宜補脾胃

吐逆痰涎色黃稠黏上壅者胃熱也若吐痰涎白沫或
吐沫者胃虛冷也熱者宜微利之冷者宜溫補之

吐逆痰涎及有血者此肺熱也久則肺虛成痿昔錢乙

治段齋郎子四歲身熱吐痰嗽數日而咯血他醫以桔梗湯防已圓治之不愈涎上攻吐喘不止遂請乙治乙下福銀圓大一服復以補肺湯補脾散為治乙曰此子咯血肺虛也肺雖咯血有熱故也久則虛痿今涎上潮而吐當下其涎若不下涎則不甚便蓋吐涎能虛又生驚也痰實上攻亦能發搐依法只宜先下痰而後補脾肺必涎下而吐愈為順治也若先補肺為逆耳乙所用藥方本集載之此所謂識病之輕重先後為治也

哕者比吐逆異也吐者乃邪搏胃氣逆而上行穀不能傳化隨氣出也哕者但氣逆而欲吐吐則穀無所出故俗謂乾嘔也哕者乃兒因吮乳汁過多胃滿而上溢出也故俗呼謂之噫奶當便與空乳令吮即定若頻久吮之亦能為病

瀉

瀉色白者冷瀉也此由小兒腸胃虛弱因解脫風冷干之或因食寒飲冷入於腸胃冷氣相搏為利下也其色

白面白或腹痛者並宜調中若又傷風冷前後重沓冷甚則瀉不止而為泄注也

瀉色赤者熱瀉也此由小兒腸胃本振虛熱而風冷乘之入於腸胃之間熱氣相搏而為利下故其色赤也宜微下之以導其熱後調其氣

瀉色乍赤乍白或水或穀者此冷熱瀉也由小兒腸胃先因有冷而復傷熱或先有其熱而復傷冷腸胃宿虛冷熱交攻而為利下宜調其冷熱和養其氣

瀉色黃赤紅黑者皆熱也赤黑者有毒並微下之然後調氣

瀉色青發熱有時睡卧不安者此驚瀉也小兒糞黃脾胃土之本色也色青者肝木為風肝木來刑脾土宜早治之不爾則變脾風而發瘕瘕則難治也所謂糞青者須纔便下便色青是也若初下時黃良久乃青者非也小兒安者皆然不可認為青糞也若瀉色青白穀不化者此謂冷也宜溫補脾胃發散風冷

瀉瀼下色赤白腹大上青筋見髮稀饒啼或喫泥土時

有虵蟲此疳瀉也宜止瀉退疳

治方具于
疳門之下

瀉多日唇口及糞色皆白糞頗多者久因成冷脾胃衰

困恐變脾風發癰宜以藥防備而溫養補助脾胃

瀉於暑熱時多患者謂時熱及飲食皆冷故也不傷於
熱必傷於冷若傷熱伏暑而瀉者則心藏煩熱必小便
不利清濁不分瀉色赤黃宜利小便解暑熱若小便快
而瀉者冷瀉也色必青白穀不化宜溫脾胃止瀉

瀉者不可急以熱藥止之多變為痢而下膿血也當審察冷熱証候詳度緩急施治也

吐瀉

吐瀉多病於春夏秋三時惟冬時絕少者蓋吐瀉皆因脾胃虛冷熱所致以冬時陽氣在內多食溫暖少飲水漿故也設有患者必因傷於乳食也若春時病吐瀉者多因於風夏時病者多因於熱秋時病者多因於冷凡治吐瀉者必當參其時候觀其形証察其溫涼寒熱如

此則無誤矣

傷風吐瀉

傷風吐瀉身溫乍涼乍熱呵欠頻悶多睡口中氣麤而熱大便黃白色嘔吐乳食不消時咳嗽宜散風補脾如先已曾經下或無下證慎不可下也此由脾肺受寒不能入脾也更有五藏兼見之証發散者化大青膏服之補脾者後服益黃散此錢乙所用藥也方在本集

傷風吐瀉身熱多睡能乳呵欠頻悶口中氣熱飲水不

止吐痰大便黃水此為胃虛熱渴吐瀉也當生胃中津液以止其渴錢乙用白朮煎湯服之然後發散風冷亦用大青膏又云吐瀉昏睡露睛者胃虛熱也吐瀉昏睡不露睛者胃實熱也

傷風吐瀉身涼吐沫瀉青白色呵欠悶亂不渴哽氣長出氣睡露睛此傷風荏苒輕怯因成吐瀉當先補脾錢乙先用益黃散後發散其風用大青膏此二病於春冬多也

傷食吐乳

吐瀉乳食不化其吐及糞皆有酸臭氣者此傷食吐瀉也凡吐乳瀉黃赤者傷熱乳食也若吐乳瀉青白者傷冷乳食也並宜微下之後和胃氣虛者以緩化滯藥漸磨化之

吐瀉在初生三日內壯熱不乳大便乳不消化或白色者是傷乳當微與下後和胃氣虛者以緩化滯藥漸磨化之

吐瀉在初生三日已上至十日身溫涼不思乳大便青
白乳不消化此上實下虛也更有五藏兼見証瀉其所
實者而補其脾胃虛者也

吐瀉有兼藏証者兼肺則睡露睛喘氣兼心則驚悸飲
水兼脾則困倦饒睡

吐瀉乃脾胃之本病

兼肝則呵欠頓悶兼腎

則不語畏明

昔錢乙治馮承務子五歲吐瀉壯熱不思食乙見兒目
中黑睛少白睛多面色眊白乙曰此子必多病面色眊

白者神怯也黑睛少者腎虛也本怯而虛故多病也縱長成必肌膚不壯不耐寒暑易虛易實脾胃亦怯更不可縱於酒慾若不保養不過壯年也面上常無精神光澤如婦人之失血也今吐瀉不食壯熱者微有傷食也又虛怯則不可下下之虛入肺則嗽入心則驚入脾則困倦入腎則加虛但當以藥磨化之為微有食傷也若重傷則須下之不下則成癖也若實食在內乃可下也下畢補脾必愈隨其虛實無不效者乙所用藥在本集

載之

冷熱吐瀉

吐瀉在五月中已後身壯熱者此熱也小兒藏府中十分中九分熱此因傷熱乳或胃熱入內吐乳不消瀉深赤色宜與解熱錢乙用玉露散

吐瀉在六月中已後身大溫而似熱藏府中六分熱四分冷也嘔吐乳食不消瀉色黃多白少似褐或食乳或不食乳宜少補脾而大解熱錢乙少用益黃散多用玉

露散更宜審察冷熱如兒大熱瀉色赤黃者此熱多依
五月中後治之

昔錢乙治廣親北宅四大王宮五太尉六月中吐瀉米
穀不化衆醫用溫藥一日而加喘吐不定乙曰當用涼
藥治之謂傷熱在內也衆醫皆言吐瀉多而米穀不化
當補脾胃何得用涼藥王信衆醫又用補脾溫藥乙曰
不可服此三日外必腹滿身熱飲水吐逆三日外一如
所言謂六月熱甚伏入腹中而令引飲熱傷脾胃即大

吐瀉他醫又行溫藥即上焦亦熱故喘而引飲三日當
死衆醫不能治復召乙乙見有熱証以白虎湯三服更
以白餅子下之一日減藥二分二三日又與白虎湯二
服四日用石膏湯及旋合麥門冬黃芩腦子牛黃天竺
黃茯苓以朱砂為衣竹葉湯下五圓熱退而愈乙所用
方本集載之

吐瀉在七月中已後身溫藏府中三分熱七分冷也不
能食乳多似睡悶亂哽氣長出氣睡露睛唇白多哕而

不渴錢乙於食前令多服補脾益黃散於食後少服解熱玉露散更宜相度冷熱若身大溫瀉浚黃者依六月
中已後為治也

昔錢乙治廣親七大尉七歲吐瀉是時七月其証全不食而昏睡睡覺而悶亂哽氣乾嘔大便或有或無不渴衆醫疑睡作驚治之不愈乙曰當先補脾而後退熱與使君子圓補脾石膏湯退熱次日以水銀硫黃二物末之生姜水調下一字乙曰凡吐瀉五月內九分下而一

分補八月內九分補而一分下此者是脾虛瀉醫妄治之至於虛損下之即死故只當補脾若以使君子圓恐緩已又留溫胃益脾藥止之有一李醫問曰何食而噦乙曰脾虛不能食津液少即哕逆又曰何瀉青褐水乙曰腸胃至虛冷極故也乙治而愈其方本集載之

吐瀉在八月中已後身冷無陽也不能食乳乾哕瀉青褐水錢乙只用益黃散補脾不可下

吐瀉所論冷熱時月此錢乙以中原之地言也今較之

江浙則氣候不同今江浙之地二三月尚寒四五月溫
暖六月入伏之後纔熱七月熱盛八月熱尚未退雖冬
月晴多便暖雖夏月陰多便寒不可槩以中原冷熱時
候便為定論經所謂東西南北之異地溫涼寒熱之異
宜况每歲寒熱自隨時令早晚難以拘定月日也候之
者乘其至也謂至其熱則從熱治至其溫則從溫治至
其寒則從寒治至其涼則從涼治此乃隨四時之氣各
適其宜


吐瀉於夏秋大熱之時伏暑傷冷則心藏煩躁小便不利清濁不分陰陽二氣相干名曰氣亂亂於腸胃之間名曰霍亂其証乘熱傷冷氣逆而喘腹脇脹滿身熱脉亂頭痛體疼如傷寒之狀上即大吐下即大瀉重者四支厥冷脚脛轉筋法當調順其氣分別清濁升降陰陽若只伏暑吐瀉者則小便不利其証雖與上証稍同而輕非霍亂比瀉色赤黃此但只名伏暑吐瀉不為霍亂也治霍亂吐瀉若熱多而渴者五苓散寒多不渴而心

腹身體疼痛及煩躁渴不能飲者可服理中湯寒甚腹
痛轉筋四支拘急者理中湯加附子汗出惡寒手足厥
冷下利清穀內寒外熱脈微欲絕者並四逆湯已上諸
証並可與香薷散服之以他藥不能療此証也治伏暑
吐瀉若小便不利與五苓散利小便及與香薷散解伏
暑坏蓮散救生丹止吐

吐瀉不拘何時則令脾胃虛弱多致生風而為脾風慢
驚也以脾土衰而肝木來刑故爾當先補脾胃不令困

弱則風不生而病易愈也

吐瀉已定未定煩渴者皆津液內耗也不問新久宜煎
錢乙白朮散使滿意取足飲之多即愈好不爾即津液
內耗而引飲不止內生其熱外邪相干則証變百端以
成他病漸至危困也



欽定四庫全書

小兒衛生總微論方卷九

小兒衛生總微論方卷九

欽定四庫全書

子部

小兒衛生總微論方卷十

纂校官太醫院司醫_臣表大錫

編修_臣倉聖脈覆勘

總校官進士_臣繆琪

校對官中書_臣李斯咏

謄錄監生_臣譚世緯

欽定四庫全書

小兒衛生總微論方卷十

吐瀉方下

治吐方

木瓜圓治自生下便有吐症此因初生時拭掠口中穢液不盡所致

乾木瓜末 麝香 膩粉 木香末 檳榔末

各一字

右研勻麵糊和丸粟米大每服一二丸甘草水下無

時服

塌氣丸治啼哭未定便令食乳氣逆停滯心胃滿悶氣

急吐逆

巴豆

三個去皮
分為十片

胡椒

十個

丁香

十個

青橘

十個湯浸一宿
不去穢每

個入巴豆一片胡椒一個丁香一個以麻縷纏之餘並同

右用釀米醋一碗煮藥至醋盡為度取出細切焙乾
同為細末粟米糊和丸粟米大每一二歲兒三二丸
三四歲兒四五丸飲下日三服此藥利胃焉然後復

進觀音散一二服補氣食前

和胃膏治啼哭飲乳氣逆噎塞及胃虛氣不升降胃
痞滿吐逆不時

人參

去蘆

藿香葉

去土

水銀

枇杷葉

先炙去毛生薑汁塗炙令香熟

白伏苓

各一兩

甘草

炙皆各半兩

肉豆蔻

麩熟

硫黃

研細入鐵銚同水銀一處拌勻於火上炒不住手研攤放冷各半兩

右同為末次將硫黃水銀砂子入之再研勻細煉蜜
和膏每一歲兒桐子許生薑棗湯化下量大小加減

亦治人翻胃服一皂子許

白附子丸治傷風冷吐逆及治糞青下瀉

白附子

一分末

蝎梢

一分研

船上硫黃

半兩研細

右先將半夏半兩湯洗淨生為末生姜自然汁和劑
捻作餅子小錢大沸湯內煮至熟取出研成膏入三
味藥末和之如乾漆少湯丸蘿蔔子大每服二三十
丸米湯或乳汁送下無時

羌活膏治傷風吐逆亦能截痢定瀉

羌活

去蘆

獨活

去蘆

人參

去蘆

白茯苓

防風

去蘆并義枝

肉桂

去麤皮不見火

全蝎

炒各一分

硫黃

三錢

水銀

一錢與硫黃同研青色至不見水銀星子為度

右同為細末煉蜜和膏每用量大小旋為丸嬰孩大
豆許三二歲鷄頭大五七歲兒龍眼大並薄荷水化
下

托養丸治傷食吐逆心胃滿悶陰陽痞手足厥冷煩熱
躁悶

硫黃 水銀

各半兩同研
細不見星

附子

半兩炮
去皮臍

木香

半兩

當歸

去蘆洗淨
半兩切焙

大黃

一兩濕紙
裏煨熟

右為細末煉蜜和九櫻桃大每服一粒生姜湯化下

無時

朱砂丸治驚吐不止

朱砂

乳香

各一錢

半夏

二十一箇洗淨七次
薑汁浸一宿切焙

右同為細末姜汁糊丸黃米大每服五七丸乳香湯

下無時

紫霜丸治如前

朱砂

半錢

杏仁

三十個去皮尖炒黃

右同研細糊丸麻子大每服五七丸桃心湯下乳食

前

三香丹治挾驚吐逆不止

藿香葉

去土

丁香

各半兩

麝香

當門子半錢研

膩粉

半分研

半夏

一錢湯浸七次焙乾

龍腦

半錢研

右為末拌勻生姜自然汁糊和丸黍米大每服十粒

人參薄荷湯送下無時

四季散治驚吐及番胃諸藥不效者服之立驗

右以好硫黃半兩研細入水銀一分同再研至無星如墨煤色每用一錢或半錢以生姜自然汁同酒各半同煎用少許調藥空心服之服畢覆卧當自汗出乃愈

集香散治脾胃不和氣虛吐逆不食漸成羸瘦

丁香 沉香 木香 白朮 藿香葉

去土

製厚朴

各半兩

白茯苓

白豆蔻

各一分

右為細末入麝香少許拌勻以水半升蜜四兩大棗十五個生薑十五片於銀器內慢火熬成膏去姜棗不用以膏和藥丸如皂子大於當風處窹乾每服一丸米飲化下量兒大小加減乳食前

人參白朮散治胃氣不和吐逆不思乳食亦治霍亂吐逆

厚朴

去麤皮生薑製二兩

人參

去蘆

白朮

半夏

湯洗七次

陳皮

去白各一兩

右為細末每服一錢水一小盞生姜二片煎至六分

去滓溫服

人參藿香散治脾胃不和吐逆不定

人參

去蘆一兩塗姜汁微炙

藿香葉

去土半兩

白朮

剉炒

丁香

良姜

枇杷葉

去毛姜汁塗炙令香熟

甘草

各一分炙

右為細末每服一錢水一小盞入木瓜一片煎至五分溫服無時去滓通口服

藿香散治脾胃氣不和吐逆心腹脹滿

藿香葉

去土

半夏麴

甘草

炙各一兩

陳皮

去白

厚朴

去皮生薑製各二兩

人參

去蘆

白朮

各半兩

右為細末每服半錢或一錢水一小盞生薑三片煎至六分去滓溫服無時

萬安丹治胃虛傷冷吐逆

半夏

一分湯洗七次焙乾

白朮

一分

附子

一個炮製去皮臍

硫黃

一分研

朱砂

半兩研飛

右三味先為末入研藥拌勻生姜汁和丸黍米大
每服十粒米飲下乳食前

聖石散治如前經驗

礞石

四兩炭火
燒一伏時

不灰石

二兩炭火
燒一伏時

母丁香

一兩

木香

一兩
人參

去蘆
一兩

白茯苓

一兩
半夏

半兩湯洗
七次焙乾

真陽起石

半兩先同
上為末

阿魏

湯化去砂石以麴
和成餅焙乾一錢

巴豆

杏仁

各十四個並連皮燈
上燒作炭畧存性

右同勻細湯泡蒸餅和丸荔枝子大每服一粒水一

盞入姜皂子大擘破同煎至五分放溫時時服之煎藥須用銀石器

厚朴散治胃冷氣逆吐不思食

白茯苓

一兩半

肉豆蔻

麴裹煨半兩

厚朴

去皮生薑製一兩

枇杷葉

炙去毛盡

右為細末每服一錢水一小盞生姜二片煎至六分去滓空心溫服無時

人參膏治脾胃虛冷乳食不化吐逆連併不喜乳食

人參

去蘆

滑石

藿香葉

去土半兩

丁香

一分

甘草

二錢炙

朱砂

一錢半研水飛

右為末煉蜜和膏每用皂子大米飲化下無時

枳皮湯治胃冷吐逆正氣

右以枳木皮煎湯汁服之

溫脾散治寒濕吐逆

厚朴

去皮塗姜汁炙令香熟一兩

丁香

白朮

乾姜

各半兩焙

肉桂

一分

右為細末每服一錢煎人參湯調下無時

香參湯治寒痰吐逆

丁香 藿香葉去土 丁香皮 人參去蘆 白茯苓各一兩

青皮去穰 木香 甘草炙各半兩

右為末每服一錢水一小盞生姜二片煎至五分去滓溫服無時

三黃散治傷熱吐逆

五靈脂 大黃 雄黃各等分研水飛

右為細末每服一字磨刀水調下無時治熱吐尤佳

槐花散治熱吐不止

皂角

去皮燒
烟盡

白礬

枯

槐花

炒

甘草

炙各
等分

右為細末每服一錢白湯調服無時

丁香益胃湯治胃虛挾熱吐逆不止

丁香 人參

去蘆各
一兩

桂

去
皮

大黃

炮黑
黃色

訶黎勒皮

一
分

右為細末每服一錢水一小盞生姜二片煎至五分

去滓溫服無時

人參桂姜湯治熱氣不調吐逆腹滿脹痛

人參

去蘆三分

桂

去皮

良姜

各一兩

甘草

半兩炙

右為細末每服一錢水一小盞生姜三片煎至六分

溫服無時

白朮湯治吐逆熱煩而渴津液燥少

白朮

乾葛根

人參

去蘆各一兩

木香

藿香葉

去土

白茯苓

甘草

炙各半兩

右為細末每服一錢水一小盞生姜三片煎至六

分去滓溫服或用生沸湯調下無時

香朴散治冷熱吐逆調順其氣

厚朴

去皮姜製一兩

人參

去蘆一兩

丁香

半兩

麥門冬

去心半兩

右為細末每服一錢水一小盞入生姜二片棗一個同煎至五分去滓溫服無時

芩蓮丸治一切冷熱吐逆不止

半夏

一兩湯浸洗七次槌碎

胡椒

一分二味同炒紫黑色

丁香

四十個

蓮子心

一百個

右為末姜糊和丸菜子大每服三二十九煎坯子石蓮湯送下無時

清暑飲子治伏暑吐逆

淡竹葉

一兩去枝梗只取葉焙乾

香薷

一兩檀香

半兩人參

去蘆半兩

半夏

半兩湯洗七次焙乾

白茯苓

半兩

甘草

半兩

白粳米

一合

右為麤末每服一錢水一小盞煎至六分去滓溫服時時如熟水服

燈花圓治伏暑吐逆頭目痛四肢冷煩躁不解

半夏

二兩
姜製

硫黃

一兩

白善土

一兩

右為末滴水和大豆大每用一二九以針穿於燈上燎過吐逆者鹽艾湯下煩躁者生薑湯下四肢冷者熱酒下頭痛者臘茶下兒小者服一丸

雙金圓治霍亂吐逆不止又治番胃及沉積赤白惡痢

五靈脂

去砂石二兩半研

揀丁香

一錢
為末

巴豆

半兩去壳并心皮細研入上二味和勻

右以棗肉和丸黃米大每用量大小虛實加減二歲

上五七九三歲上十九煎丁香藿香湯放冷送下服藥畢須候兩時辰不得與乳食候大便過一兩次服補藥四聖圓如吐後躁熱心間煩悶服四順飲子此三藥乃一宗也兒本壯食傷積滯者宜服虛者更宜斟酌

四聖圓

白荳蔻

肉荳蔻

麵裹煨

草荳蔻

去皮

乾姜

炮

良姜

藿香葉

去土

丁香枝杖

各等分

右為末醋糊和圓菴豆大每服三十圓煎人參或白
朮湯下如止瀉米飲下無時

四順飲子

地骨皮

去骨
盡

防風

去蘆并
叉枝

山梔子仁

連翹

各等
分

右為末每服一二錢水一盞生姜三片煎至五分去
滓臨卧溫服如大便秘澁煎燈心竹葉湯放冷服亦

治諸熱心胃煩躁懊悶

乳吮散治嬰兒吐乳不定

枇杷葉

一分去毛
炙焦黃色

母丁香

一分

右為末每服少許或半字一字塗乳上吮兒便止

馬通汁治嬰兒吐乳黃色

右以新馬糞一塊絞汁量大小分減灌之

葛根粉治小兒吐逆壯熱不下食

右以葛根粉二大錢水二合調勻瀉入沙鑪中側轉
令遍如盪粉皮法重湯內煮令熟以糜飲相和食之
亦治痢

白魚灰散治百日內兒涎壅吐乳

右以書中白魚七枚燒灰研細乳汁調服一字與服
或傳在乳上吮之

丁香散治胃虛氣逆嘔吐不定霍亂不安精神困弱

丁香

一分人參半兩

藿香葉

去土一分

右為末每服一錢水半盞煎三五沸入乳汁三五滴
更煎一兩沸帶熱服無時頻頻服效

聖白圓治小兒吐逆

半夏

半兩湯洗十次竹刀切作片子焙令乾

丁香

半兩

右於木臼中同杵為末生姜自然汁和丸麻子大每服十九十五圓溫湯送下無時

白朮散治小兒吐逆或加喘促

白朮

二兩

乾山藥

白茯苓

各一兩

人參

去蘆

木香

白扁豆

炮

藿香

去土各半兩

甘草

一分炙

右為末每服一錢紫蘇湯下喘者陳皮湯下無時

附子散治小兒虛風呵欠吐逆涎盛

白附子

炮

南星

炮各半兩

黑附子

炮去皮臍一分

右為末每服一錢水一小盞生姜二片同煎仍不住手攪煎至半小盞分三服量大小與甚效

滑石散治胃熱吐瀉食

白滑石

白善土

好者等分

右為末研勻每服半錢葱白煎米飲調下

吐蓮散治一切吐逆及煩渴

枇杷葉

大者五片洗刷去毛盡塗蜜炙焦黃色

麥門冬

去心一分

紫蘇葉

四十
九葉

丁香

一百
粒

石蓮心

一百
個

藿香葉

去土
半兩

甘草

一分
炙

右為末每服半錢煎坯子烟脂石蓮湯調下無時

白茅散治吐逆不定

丁香 花桑葉

人參

去
蘆

藿香葉

去
土

白茅根

劉各
一分

右為散每服一錢水一小盞煎至五分去滓量大小

分服無時

白附散治小兒吐逆不定虛風喘急

白附子

藿香葉

去土等分

右為細末每服半錢或一錢米飲調下無時

油滴散治小兒胃氣虛冷痰盛吐逆

半夏

大者十枚生

胡椒

四十粒

右為麤末每服半錢水一小盞入生油七滴煎至五

分去滓服無時

二白劉散治小兒膈上痰壅吐逆不食漸生驚候胃中

滿塞咽嗑不利

大天南星

二個炮烈
出火毒

大半夏

四個湯洗
七次去滑

右並剉作塊子以水一大盞半入生姜七片慢火煎至一呷服之入冬瓜子同煎更妙

五香半夏圓治小兒胃滿氣不升降吐逆痰壅或作咳嗽

沉香 麝香 丁香 木香

各一分

藿香

去土半
兩用葉

半夏

湯洗七次姜
汁拌炒黃三兩

肉苳菴

麝
去麝

人參

去
蘆

陳皮

去白各
一分

右為細末姜汁糊丸黃米大每服三十丸生姜湯下
乳後

定吐香銀圓治小兒脾胃氣弱挾於風寒嘔哕亦治便
青泄利

丁香

乾葛

各一兩

半夏

湯洗七次切焙

水銀

後入各半兩

右上三味先為末入水銀研勻生姜汁和圓麻子大
每服三五圓至十數圓量兒大小與服藿香湯下無
時

龍虎救生丹治一切吐逆不下食

水銀

半兩

硫黃

一兩二味同研細至無星為度

丁香

半兩

半夏麴

一兩

人參

去蘆一分

天南星

半兩炮

白附子

一分炮烈

右為末生姜汁煮糊和丸蘿蔔子大每服一二十九煎藿香湯下伏熱吐者煎蓮子心湯下量大小服又治妊婦阻病立效

枇杷葉湯治一切吐逆煩渴

枇杷葉

一兩拭去毛盡炙微黃

丁香

半兩

人參

去蘆半兩

甘草

炙

白茯苓

各半兩

右為細末每服半錢煎紫蘇湯調下無時

定命丹治一切吐逆不止

巴豆

十個去油

丁香

一兩炒黑色

右為細末以煮酒蠟就劑旋圓如菉豆大每服三五丸米飲湯下腹脹皂兒湯下夜啼朱砂湯下兒本壯實者有積食宜服

五倍子散治吐逆不定

右以五倍子二箇一生一熟甘草一寸用濕紙裹煨
同為細末每服半錢米泔調下立差

壁錢湯治如前

右以壁錢窠煎湯飲之一方用二七箇其蟲似蜘蛛
作白幕如錢於壁上土人呼為壁璽

麻仁汁治如前

此李諫議方嘗用極妙

右以麻子仁二兩杵爛熬以水研取汁入鹽少許服
之立效

丁香散治如前

丁香 藿香

去土

代赭石

火煨醋淬不計遍數以易碎為度

甘草

炙各一分

右為末每服半錢煎薄荷湯下如吐瀉更與木香白

朮散同服方具于治瀉門中

生姜湯治吐逆百藥不差

以生姜一兩細剉米豆大將七合於銀器中煎取四

合空腹旋呷大者和滓

羊糞酒治無故吐逆酸水不止或三五口食後如此

右以羊糞十顆好酒二合煎取一合頓服未愈再服
更量大小加減

吮乳附羊乳治吮乳乾嘔煩熱

右以羊乳一升煎至減半分五服無羊乳只牛乳亦
得小者減之一方與生姜汁合煎牛乳二合姜汁一
合銀器中慢火煎五七沸一歲兒服半合

鹿角粉治如前

右以鹿角粉大豆末等分相和乳汁塗上令兒吮服之

枇杷葉汁治如前

右以枇杷葉拭去毛淨煮汁飲之亦治咳嗽

玉真散

白朮

半兩

半夏

七箇湯洗七次為末生姜汁製

胡椒

半錢

右為末每用半字以水一呷調下大者一字

消乳丸治飲乳過多嘔吐痢癖不消好令常服

丁香 木香 青皮

去穢
炒黃

肉苳蔻

麵裹
煨

牽牛子

炒黃各
半兩

右為末滴水丸針頭大每服三五丸乳上沾吮服

蟾糞飲治嘔乳不止

右取田中曲蟾糞一兩研末空心米飲調下半錢一
二服立效兒小減服

蘆蟲湯治飲乳嘔吐不入腹

右取蘆中蟲二枚煮汁飲之須破蘆取蟲似小蠶

治瀉方

粟煎湯治腸胃受風寒下瀉不止身體壯熱

白朮

當歸

去蘆

川芎

人參

去蘆

肉桂

去皮

芍藥

各一兩

右為末每服一錢水一盞入姜三片粟米半匙煎至

米熟去滓溫服

惺惺散治傷風挾驚下瀉日久脾困不食及恐作脾風

發痼

天麻

半錢

全蝎

半錢炒

糯米

一錢微炒

甘草

一錢炙

木香

一錢炮

錢

白扁豆

一錢炒

山藥

一錢焙

茯苓

一錢微炒

人參

一錢微炒

右為末嬰孩一字二三歲上兒半錢水半銀蓋以下
棗半箇煎三五沸溫服

白附子圓羌活膏皆治傷風或驚泄瀉不止方已具于
吐門之下

人參生犀散治風寒驚悸痰嗽服尋常藥即瀉

前胡

去蘆八錢

桔梗

去蘆半兩

人參

去蘆三錢

甘草

炙黃二錢

杏仁

去皮尖五錢末

右上四味為末後入杏仁拌勻麝羅羅過每服二大錢水一盞同煎至八分去粗溫服無時

訶子湯治傷冷瀉不止

訶梨勒皮

人參去蘆

木香

白茯苓

各一兩

甘草

炙

陳皮

湯浸去白各半兩

右為末每服一錢水一小盞入生姜二片煎至五分溫服無時

訶梨豈菴丹治如前

訶梨勒皮 草荳蔻仁各一兩 白朮 乾姜炮

川黃連

去鬚 當歸 去蘆洗焙 各半兩

右為細末粟米飯和圓黍米大每服十粒飲湯下無

時

肉荳蔻散治胃寒下瀉

肉荳蔻

麵裹煨

白礬

枯各一兩

右為末溫米飲調下一錢或半錢空心服

益脾散治脾胃傷冷泄瀉腹痛全不入食

陳皮

一兩去白

青皮

去穢半兩

訶子肉

半兩

甘草

劉炒半兩

丁香

二錢

乾山藥

二兩

右為細末每服一大錢水一小盞生姜三片棗一箇煎至六分去滓溫服與益兒圓間服甚妙

川椒圓治夏月傷濕冷泄瀉不止

川椒

一兩去目并閉口者不用揀淨慢火炒香熟為度

肉苳蔻

麵裹煨半兩

右為細末粳米飯和圓黍米大每服十粒米飲下無時

栢葉治泄瀉洞下

右以栢葉煮汁服之或焙乾作末煎服

烏姜圓治脾虛泄瀉不入食

生姜

二兩切
基子大

黃連

去鬚二兩判豆大
二味同炒紫黑色

肉苳蔻

二十五箇每箇入丁香二箇共五十箇在內
訖別用生姜研爛取汁和麴裏煨熟和麴筒之

右同為細末滴水 and 圓芥子大每二三十圓棗湯下

乳食前

龍香散治腸胃虛弱滑泄無度腹痛腸鳴或疳瀉不止

當歸

去蘆
淨洗

龍骨

煨

赤石脂

烏魚骨

白朮

香白芷

人參

去蘆各
等分

右為細末每服半錢至一錢溫米飲調下乳食前

如聖散治傷熱生風聚瀉不定或時驚悸睡卧不寧

板藍根

肥者二兩麩
炒令黃色

丁香

半兩

甘草

一兩
炮

乳石

一兩
半

井泉石

一兩
半

右為細末每服半錢米飲調下併服三服立效如驚

風薄荷湯調下

治小兒水穀不調

右以枳實麴炒黃枅末米飲服半錢匕二歲下兒一錢匕量大小加減服

溫脾散治瀉泄食不化

蒼朮

半兩米泔浸一宿去黑皮

甘草

炙

厚朴

去麤皮生薑製

訶子

炮

木香

乾姜

炮

茯苓

人參

去蘆

桔梗

去蘆各一錢

右為末每服一字或半錢米飲調下食不化者紫蘇鹽湯調瀉不止者木瓜湯調下乳食前

二和圓治瀉不止

黃連

去鬚
一兩

南木香

一兩二物各
半生半炒

右為末醋糊和圓菜豆大每服三四十丸米飲下乳

食前

還肌散治洞瀉聚瀉痢瀉等肌膚瘦弱乳食不進

肉苳蔻

一箇

訶子

三箇
去核

沒石子

一箇三味各用大麥麴裹
慢火煨黃熟勿令烟出

右為細末每服半錢米飲調下如人行五里久再一服須用陳米飲下神效

和中散治痰逆胃虛泄瀉

白朮

陳皮

去白

厚朴

去麤皮
生薑製

甘草

炙各
等分

右為細末每服一大錢水一小盞生薑三片棗一箇
同煎至六分溫一方更有藿香葉減半

附子散治胃寒泄瀉不止

右以半兩附子一枚炮烈去皮臍為細末每服一錢
水一盞鹽半錢煎至五分溫服亦治洞泄乳食前服
赤石脂丸治泄瀉虛滑無度

赤石脂

乾姜

炮等分

右為末糊丸麻子大每服一二十九米飲下空心服

荳蔻丸治泄瀉米穀不化

肉荳蔻

麵裹煨各一兩

木香

青皮

去穢炒黃半兩

黑牽牛

一分微炒

右為細末滴水 and 九黍米大每服十九生薑米飲下

乳食前

建胃散治泄瀉身熱煩渴

厚朴

去麤皮生薑製一兩

川黃連

去鬚一兩

白朮

肉荳蔻

麵裹煨一兩

宿砂仁

半兩

乾姜

半兩炮

木香

半兩

右為細末每服一錢水一小盞入生姜粟米各少許煎至五分去滓溫服無時

順胃丹治泄瀉蟲煩腹痛

白朮

良姜

乾漆

炒烟盡

肉桂

各一兩

肉豆蔻

麵裹煨半兩

右為細末麵糊和丸黍米大每服十粒米飲下乳食

前

建中丹治泄瀉腹痛多啼

胡椒 蓬莪茂

煨

全蝎

一錢

肉苳蔻

麵裹煨 各半兩

右為細末麵糊和丸黍米大每服十粒米飲下乳食

前

茱萸散治脾胃弱食不消泄瀉無度

吳茱萸

揀淨半兩用鹽二錢水一盞煮之如此換水煮十四次各至水盡遍數足曬乾炒令

紫黑色

甘草

一兩半炙

陳皮

去白二兩炒令香熟

右為細末每服一錢或半錢沸湯點服無時

乳香苳蔻丸治泄瀉不已腸中有惡氣故爾

右用肉苳蔻一枚斫分兩半中間剗開安乳香一皂
子大在內相合以線扎定和白麵裹如胡桃大煨熟
為末陳米飯和九菴豆大每服二十九陳米飲下空
心食前

香礬丹治泄瀉浸久不差

白礬

一兩慢火
枯研成粉

木香

一兩

訶梨勒皮

半兩
微炒

酸石榴皮

半兩
炒黑

右為細末煉蜜和九黍米大每服十粒粥飲下乳食

前

二白丸治泄瀉滑數不止

白石脂

白龍骨

煨等分

右為末滴水和丸黍米大每服三五丸紫蘇木瓜湯

下無時

溫白丸治久患泄瀉脾虛不進飲食或食訖仍前瀉下

米穀不化

白朮

一分半泔浸一時切焙乾

半夏

一錢半湯浸洗七次

丁香

半錢炒

右為細末生姜自然汁糊丸黍米大每半歲兒三九
三五歲兒五七九淡生薑湯下早晚各一

沒石子丸治泄瀉白濁及滑腸腹痛亦治疳利

木香

黃連

去鬚各一分

沒石子

一箇

肉苳蔻

二箇麵裹煨

訶子肉

三箇

右為細末飯和丸麻子大米飲下量大小加減與之
無時

銀白散治脾胃不和泄瀉不止不思飲食身體煩熱

人參

去蘆

白茯苓

白扁豆

炒熟

甘草

炙

白朮

炒各一分

瞿粟米

微炒二錢別研

右為末同勻每服半錢或一錢紫蘇湯調下無時

乾姜散治水瀉無度

右以乾姜末粥飲調下半錢或一字量大小與

椒紅丸治如前

右以椒二兩去目用醋二升煮至醋盡焙乾為末糊圓菜豆大甕盒收之每服十九十五丸米飲下一方

治嬰小水瀉痢瘕以椒一分去目為末酥調少少傳
腦上日三

烏藥散治乳母冷熱不調變壞乳汁不好兒因飲之心
腹時痛下瀉如水

香附子

破揀白者

良姜

赤芍藥

天台烏藥

各等分

右為細末每服一錢水一盞煎至六分溫服心腹痛
者入酒少許同煎只水瀉者米飲調下量大小與服
白石脂散治水瀉形羸不勝大湯藥

右以白石脂半兩研如粉和白粥空心與服

藥皮丸治熱瀉

右以黃蘗削去麁皮焙乾為末用薄米飲和九粟米大每服十九米飲下食前

清胃散治挾熱下瀉頻

川練子

去核

黃蘗

炙對

地榆

炙

當歸

去鬚洗

黃連

去鬚炒

右各半兩為細末每服一錢水一小盞煎至六分溫

服無時

香石散治伏熱中暑煩躁發渴泄瀉小便不利

丁香 滑石 船上硫黃 白芍藥 甘草

各等分

右為末每服一錢米飲調下亦治吐瀉無時

分水車前散治暑月傷熱暴瀉小水不分

右以車前子為末米飲調下半錢或一錢量大小加

減

白朮膏治暑月中熱泄瀉小便不利腹滿氣痞

白朮

半兩

白茯苓

人參

去蘆

滑石

各一分

澤瀉

半兩

右為末煉蜜和膏每用一皂子大米飲化下無時

香連散治伏暑泄瀉清濁不分

木香

川黃連

去鬚各一兩

人參

去蘆

厚朴

去麋皮生薑製各半兩

右為細末每服半錢或一錢米飲調下乳食前

草節湯治冷熱不調下瀉

胡黃連

半兩

綿姜

一兩炮熟

右為細末每服半錢草節湯調下食前

樗根散治水瀉裏急後重頻數

樗根皮

一兩

枳殼

半兩炒

甘草

一分炙

右為末每服半錢或一錢粥飲調下立止無時

厚朴散治洞瀉注下

訶梨勒皮

一兩炒

厚朴

去麁皮生薑製一兩

肉苳菴

麵裹煨一兩

白朮

半兩

乾姜

半兩

右為細末每服一錢水一小盞入生薑粟米各少許同煎至五分去滓溫服食前

香蟾散治如前

右於五月五日取蟾一隻燒末飲調一錢服之兒小
量減食前

阿膠丹治洞瀉暴注

真阿膠

一兩蛤粉炒

乾姜

一兩炮

芍藥

半兩

當歸

去蘆半兩

川黃連

去鬚半兩

肉苁蓉

麵裹煨半兩

右為細末煉蜜和丸黍米大每服十粒粟米飲下食

前

助胃丹治洞注不止手足冷

附子

一枚重半兩
炮烈去皮臍

硫黃

半兩

乾姜

半兩

肉苁蓉

裏煨
半兩

肉桂

半兩

白朮

半兩

右為細末麵糊和丸黍米大每服十粒米飲下食前

亦治瀉脫危困

火輪散治虛滑洞泄注日夜無度

附子

一枚半兩者
炮烈去皮臍

肉苁蓉

半兩
裏煨

麵姜

一錢
半

右為末每服一字或半錢陳米飲調下乳食前

木香散亦治冷熱不調下瀉

木香 黃蘗

蜜炙各一兩

人參

去蘆

宿砂仁

各一兩半

右為細末每服半錢米飲調下亦治痢

荳蔻香連丸治寒熱失宜陰陽不調泄瀉無度腹痛腸

鳴

黃連

去鬚三分炒

肉荳蔻

麩裏煨

南木香

各一分

右為細末粟米飯和丸粟米大每服三二十九米飲下日夜四五服量大小與之如聖

小香連丸治冷熱不調水穀滑腸泄瀉腹痛脾胃不和

乳食不化皆治之

木香

訶子肉

各一分

黃連

去鬚半兩炒

右為細末飯和萊豆大每服一二十九米飲下乳食
前一方便肉豈菴三箇甘草一分同為末每服半錢
飲調下名香連散

石榴汁治下瀉五色

右以酸石榴五箇同穰殼搗爛絞取汁每服半合量
大小與之

四色圓治瀉青色

硫黃 厚朴

去麁皮
生姜製

右各等分為細末糊丸黍米大每服十五丸米飲下
無時

木香白朮散治下瀉青色如涎或如白沫

木香 白朮 陳皮

去白丁香
各一錢

麥蘖

炒黃
半兩

右為末每服半錢或一錢水半盞煎至三分溫服如
吐瀉與前丁香散兼服在吐門下

六神散治瀉多日糞色與唇口皆白因成虛困亦治洞瀉吐利疳瀉

人參

去蘆

白茯苓

乾山藥

白朮

白扁豆

甘草

炙

右各等分為細末每服一錢水一小盞生姜二片棗一箇煎至六分通口服

此藥用處甚多調氣和脾胃大良如治冷瀉宜用末二錢附子末一錢匕煎之分三四服量大小與之

又治風症加天麻治痢加罌粟殼吐瀉者服之以助
胃氣防變痢病

荳蔻丸治傷乳食脾胃不和泄瀉無度

木香

一分

肉荳蔻

麵裹煨
一箇

草荳蔻

檳榔

青皮

去穢

陳皮

去白各
一分

京三稜

一兩
炮剉

右為細末麵糊和丸菴豆大每服五七丸姜湯下無
時

黃連茱萸散治傷乳食下瀉

黃連

去鬚
一兩

吳茱萸

揀去枝
梗半兩

乾姜

二錢

巴豆

肥大者一
箇去皮

右剉細同炒至焦黃去巴豆不用外為細末每服一

錢煎陳米飲調下日三乳食前

緩中丸治有傷泄瀉

神麴

炒
黃

訶子皮

炮各
半兩

吳茱萸

揀淨炒黑
色二兩

右為末煉蜜和丸麻子大每服三二十九漿湯下無

時

迴陽散治下瀉虛極或因服轉藥瀉脫四肢逆冷目瞪

項强大便不禁心胃煩悶不能乳食

附子

大者一箇
炮去皮臍

天南星

大者一箇炮過為末
生姜汁和作餅焙乾

木香

一分

人參
去蘆

硫黃

一分

朱砂

一分

麝香

少許

右為細末艾湯調半錢乳食前服

艾黃熨法治瀉脫困乏危篤

華麻

七箇去殼
研如泥

熟艾

半兩

硫黃

末二錢

右拌勻於臍上先鋪紙付藥在上又用紙鋪襯稍厚
用熨斗適溫涼熨之不可令熨斗大熱以臍內響為

度

吐瀉方閩孝忠曰凡小兒吐瀉多因寒冷當溫補之余
每用理中丸以溫其中五苓散以導逆五苓治小兒
吐尤妙逆者吐也連與數服兼與異攻散正氣溫藥
調理之往往便愈若已虛損當速生其胃氣與理中
丸并研金液丹末煎生姜米飲調灌之惟多服乃効
服至二三兩無害得胃氣生手足漸暖仍頻與粥雖
至危者往往死中得生十有八九金液丹治小兒吐

瀉虛極最妙沈存中論金液丹親見小兒吐利劇氣已絕服之得活者數人真不妄也須多服方驗若因吐瀉生風身冷瘕癰變慢驚者論在於驚門具之其理中九五苓散金液丹方並在和劑集載之

異攻散治吐瀉虛冷病先與數服正氣能溫中和氣進食

人參

去蘆

茯苓

去皮

白朮

甘草

炙

陳皮

各等分

右為細末每服二錢水一盞生姜五片棗二枚同煎

至七分通口服無時

參苓散治傷風冷脾胃不調一切吐瀉

人參

去蘆

茯苓

白附子

羌活

去蘆

白朮

各一分

肉桂

犀角

鎊屑

藿香

去土

川芎

芍藥

甘草

各一錢

右為細末每用半錢金銀薄荷湯調下無時

團參散治脾胃虛弱氣不調順傷於風冷一切吐瀉手

足厥逆

人參

去蘆二兩

白朮

一兩

白扁豆

炒一兩

瞿粟米

四兩別研

欽定四庫全書

小兒衛生微論方
卷十

三六

山藥

三兩

陳粟米

三兩

用生薑自然汁浸三宿取出曝乾

白茯苓

一兩去皮

木香

三分

川芎

一兩半

烏藥

一兩半剉碎

甘草

三兩炙

厚朴

去麤皮生薑製二兩

白芷

一兩

右為細末每服一錢水一小盞生薑三片棗一箇去

核同煎至半盞溫服空心食前

和中散治三焦不調停寒暄上吐瀉不定

藿香

去土

白芷

人參

去蘆各一兩

木香

丁香

乾姜

炮

厚朴

去皮生薑製各半兩

甘草

一分

右為細末每服一錢水一小盞入生姜三片煎至六分溫服無時

益中湯治脾胃不和傷冷吐瀉

丁香

半兩

草荳蔻

去皮三箇炒

人參

去蘆半兩

青皮

去穰半兩

桂心

一分

訶梨勒

去核一分

右為細末嬰孩一字二三歲半錢五六歲一錢煎木瓜紫蘇湯調下日三無時

沉香散治脾胃不和吐瀉不進乳食

沉香

分一 丁香 一錢

木香

半錢

桂心

半錢 不見火

甘草

一錢

茯苓

分一 藿香

去土 一錢

法如前方用

觀音散治如前

人參

去蘆

甘草

炙

白扁豆

炒

石蓮肉

去心 各一分

茯苓

一錢

白芷

黃耆

搥碎 塗蜜炒

木香

炮 各一錢

神麴

二錢

右為細末每服一錢水半盞棗半箇煎三兩沸溫服

無時

人參散治如前

人參 茯苓 石蓮肉 去心各一分 甘草 二錢灸

黃耆 半兩蜜炙

右為細末每服一錢水半盞棗半箇煎三兩沸溫服無時

白朮散治胃氣虛弱吐瀉發渴

白朮 人參 去蘆 木香 白茯苓 藿香葉 去土

甘草 炙各一分 乾葛 二分

右為末每服一錢水一小盞煎至六分溫服無時

半夏湯治脾胃虛寒吐瀉及有冷痰等疾

半夏

好者一兩湯浸洗七次切焙乾

陳粟米

三分無即用陳粳米亦得

右咬咀每服三錢水一大盞入生姜七片煎至四分

溫服無時

張渙七香丸治吐瀉不進乳心腹脹滿小便不利

青皮

浸去穢稱一半生一半炒用一兩

肉苳蔻

半兩麴裏煨令香熟

牽牛

一兩炒

右為末糊丸麻子大每服二三十丸生姜米飲下無

時

治嬰小吐瀉

亂髮

半兩燒

鹿角

一分末

右同研細米飲服一錢日三

治嬰小吐瀉

右以特猪屎燒為末水調汁少少與服

丁香安胃丸治小兒胃虛氣逆嘔吐泄瀉煩渴欲飲精

神昏困

肉桂

半兩

丁皮

藿香

去土

滑石

茯苓

各一兩

右為細末煉蜜和九鷄頭大每服一九溫湯化下無時

溫中丸治胃寒瀉白腹痛腸鳴吐酸綠水不思乳食

人參

去蘆

甘草

炙

白朮

各一兩

右為末姜汁糊丸棗豆大米飲下一二十九無時

糯米湯治吐瀉不止

糯米

一百粒

木香

黃連

去鬚三味
剉碎如米

右同炒至米焦黃去木香黃連不用只以米為末後

用枇杷葉去毛淨焙乾等分為末和勻白湯調半錢
無時

進食九治傷飽乳食不消壯熱腹痛脹滿吐衄無度

木香

枳殼

麩炒
去穰

當歸

去鬚
洗焙

代赭石

火煨醋淬不
計遍數以易

碎為度
別研

朱砂

研飛各
半兩

巴豆霜

一分

右為末糊丸黍米大一歲兒一九溫水下無時

不二九治傷食吐瀉不止

巴豆

三十粒去皮心膜研細別用好黃連半
兩水浸濃汁染紙二張裹巴豆壓去油

欽定四庫全書

卷十

四

朱砂

末一錢
水飛

寒食麵

一錢

右同研細滴水和丸萊豆大新水磨化一九服無時

感應丸治脾胃虛怯乳食過度吐瀉身熱腹滿

肉苳蔻仁

四箇麵
裏煨

丁香末

三錢

川姜末

二錢

木香

三錢

百草霜

四分

杏仁

二十八箇去皮
尖別研取霜

巴豆

十四箇去皮
膜出油盡取霜

黃蠟

二兩熔濾去滓却入好
酒同煮半時放冷凝

右同為細末研勻先熔煉蠟和藥成膏恐硬時更入
油少許每用旋丸如黍米大三四粒溫水下乳食前

荳蔻散治伏暑傷熱吐瀉煩渴腹脹小便少

硫黃

一分

白滑石

三分

丁香

白荳蔻

麩裏煨各半分

右為細末每服一字或半錢米飲調下無時

藿香散治伏暑冷熱不調吐瀉不止

藿香

去土

白芷

丁香

縮砂仁

各等分

右為末每服半錢沸湯點服無時

香石散治伏暑煩躁吐瀉發渴

丁香

滑石

硫黃

白芍藥

甘草

各等分

右為細末每服半錢米飲調下無時

三和散治伏暑吐瀉津液燥少

白茯苓

一兩

烏梅肉

半兩

乾木瓜

半兩

右為細末每服一錢水一盞煎至五分去滓溫服無時

烏燼散治中暑暈煩躁悶亂吐瀉

右以穀精草不限多少燒存性用器覆之放冷研為細末每服半錢或一錢冷米飲調下無時

大七寶散治霍亂吐瀉

木香

炮

丁香

炒

桂

去麋皮
不見火

茯苓

人參

麻黃

去根
節

訶子

去核

當歸

去鬚
土

甘草

炙

大腹皮

川練子

去核

秦朮

去蘆炒已
上各一錢

地榆

二錢
炒

藿香

去土一
錢半炒

肉苳蔻

一箇麵
裹煨

右為末每嬰孩一字二三歲半錢四五歲一錢水半

盞入棗半箇煎數沸溫服無時

建脾膏治霍亂吐瀉

丁香

藿香

去土

人參

去蘆各一兩

沉香

木香

各半兩

右為細末煉蜜和膏每用鷄頭子大粟米飲化服無時

人參湯治如前

人參

去蘆一兩

厚朴

去麁皮生薑製半兩

甘草

半兩炙

白朮

三分

生薑

三分

右咬咀以水一升二合煮取半升六十日兒服一小合百日兒分四服周晬兒分二服乳空服之乳母忌

生冷油膩

蒼朮湯治小兒霍亂吐瀉

人參

去蘆

蘆薈

各半兩

扁豆藤

二兩

蒼朮

一撮

右為麤末每服二錢水七分煎至五分去滓溫服立

驗無時

又方名同治同

人參

一兩

木瓜

一箇

蒼朮

一撮

右咬咀量兒大小用煎如前服立效

治小兒霍亂吐瀉

右以牛涎一合灌兒口中量大小加減

人參調胃膏治霍亂吐逆服藥不下煩渴者宜先服此

藥

人參

去蘆

白朮

丁香

各一兩

乾姜

炮

甘草

赤茯苓

各半兩

右為細末煉蜜和九皂子大每服一九熱湯化破以

新水沉極冷即服無時

快曷散治霍亂吐逆服藥多即吐先服此藥

甘草

半兩
炙

良姜

微
炮

肉苳蔻

麝
煨

丁香

各一
分

右為細末每服半錢新汲冷水調下

白朮膏治傷暑伏熱頭目昏痛霍亂吐瀉煩躁作渴

小便不利心胸滿悶

白朮

澤瀉

各半
兩

茯苓

人參

去
蘆

滑石

各一
分

右為細末煉蜜和膏每用一皂子大煎麥門冬湯放

溫化下無時

治霍亂不止

右以訶梨勒一枚去核為末沸湯研頓服如未差再作

丁香丸治霍亂吐瀉面青四肢冷虛汗出

丁香

藿香

去土各一分

人參

去蘆半兩

右為末煉蜜和丸麻子大每服五丸粥飲下無時

丁香散治霍亂不食

丁香

一分人參

半兩

右為麤末每服一錢水一小盞煎至五分去滓服
斗門散治霍亂吐瀉轉筋

附子

一枚生

胡椒

一百粒

右為末每服半錢漿水一小盞煎至四分溫服

七寶散治霍亂吐瀉腹內撮痛

白朮

四兩

人參

去蘆

白茯苓

各半兩

甘草

一兩炮

草薺子

大者二箇炮過用

訶子

四箇炮去核

乾姜

一錢炮

右為細末每服一錢水半盞入棗一枚姜三片同煎

至七分帶熱服三歲下者藥半錢水半合煎之瀉不止與香連丸間服

香連丸治冷熱不調霍亂吐瀉服內疴痛

黃連

去鬚擇盡一兩杵碎微炒

木香一分訶子

七箇炮去核

肉苳菴

二箇麵裹煨

右為細末姜汁糊和丸菴豆大每服十九十五丸米飲下無時日四五服

治霍亂不止

寡婦薦草治如前小兒霍亂吐瀉

右取寡婦薦草二七莖煮飲之

又方 右取

蠨

音一

蠨

音雍

窠微炙為末乳汁調下一字乃

螺羸蟲

又方 右取芹葉細切煮熟汁飲之任意多少得止為

度

香豆散治霍亂煩渴吐瀉

藿香

去土

甘草

一分

肉苳菹

麵裹煨

各一兩

白扁豆

人參

去蘆各
半兩

右為末每服一錢水八分盞入生姜二片煎至五分
去滓溫服

吐瀉後証附

醒脾散治吐瀉初定脾胃虛弱恐生風者便當與服
右以天南星沸湯浸洗七次為細末一歲兒半錢匕
用河水七分盞入冬瓜子七粒同煎至半放溫旋旋
與之

碧香丹治吐瀉後大渴不止不得眠睡甚則變疳

天竺黃

不灰木

燒赤放冷

赤石脂

龍骨

煨各一兩先為細末

膩粉

定粉

鉛

白霜

蛤粉

各一兩別研

右拌勻入麝香半兩再研滴水和丸雞頭子大每用一粒或半粒同蛭螺兒三箇細研沸湯浸化却用冷水沉極冷服大渴即與神驗

丁香黃耆散治吐瀉後脾胃虛弱不能飲食漸成羸瘦面色青白或作痢時下時止

丁香

綿黃耆

判

人參

去蘆

白朮

當歸

洗焙

鼈甲

酥炙黃去裙襴各一兩

胡黃連

甘草

炙各半兩

右為細末每服一錢水一小盞入生姜二片棗一箇

同煎至五分去滓溫服食前

香茂散治瀉後但胸中不快

藿香

去土

蓬茂

炮

茯苓

焙各等分

右為細末每服半錢或一錢白湯點服無時

中和散治吐瀉定後煩渴

人參

去蘆

白茯苓

白朮

甘草

判炒

乾葛

判

白扁豆

炒

黃耆

切焙

藿香

去土各等分

右為細末每服二錢水一盞棗一箇去核生姜三片煎至七分放溫服無時

小兒衛生總微論方卷十

欽定四庫全書

子部

小兒衛生總微論方卷十一

詳校官太醫院吏目_臣宋桂

編修_臣倉聖脈覆勘

總校官進士_臣繆琪

校對官中書_臣李斯咏

謄錄監生_臣譚世緯

欽定四庫全書

小兒衛生總微論方卷十一

八痢論

小兒氣血怯嫩藏腑軟弱因觸冒風寒飲食冷熱以邪
干正致脾胃不和凝滯停積蘊毒結作或水穀不聚或
膿血純雜變而為痢其候有八一曰水穀痢謂便下糞
稀薄而不聚駛利出易水穀不化也然雖是瀉便時亦
覺裏急後重故為痢也二曰冷痢謂便下純白膿也三

曰熱痢謂便下純赤血也四曰滯痢謂便下膿血相雜也五曰積痢謂有積傷為痢浸久或差而復發也六曰疳痢謂患疳瘡而下痢也七曰蠱痢謂如蠱毒下紫黑血或如赤豆汁或如鷄鴨肝片也八曰休惜痢謂下血黑黯中有白物如腸中之脂或如爛魚腸之狀此腸胃潰傷患者更休愛惜故以名之亦名休息者謂患即無休息而至死也凡痢若粥藥不能進者此便為死候也治水穀痢方已具前瀉項之下

治冷痢方

玉腸散治冷痢初即大便青色後乃作膿

白石脂

當歸

洗焙

丁香

白朮

各一兩

草薺

去皮

厚朴

姜製各半兩

右細末每服半錢粥飲調下無時

厚朴圓治藏寒泄瀉下痢純白腹中絞痛虛氣脹滿手

足逆冷

厚朴

姜製半兩

訶子

半兩炮去核

白龍骨

半兩

白礬

半兩

右用一器盛之鹽泥固濟留一竅子木炭火煨烟息
為度取出為末麵糊和圓黍米大每服十圓米飲下
食前

烏骨散主治如前

右烏魚骨去皮研細末每服半錢米飲調服或炙黃
用之亦治婦人漏血

藍汁主治如前

右以藍青取葉搗令極爛絞取汁略溫每服半合或

一合無時

馬齒汁主治如前

右杵生馬齒菜絞汁略溫每服一合入蜜一匙頭許
調勻空心服

石蓮散主治如前

右以石蓮不拘多少去皮用沙糖炒過為細末每服
一錢米飲調下乳食前累驗

胡黃蓮圓治血痢下多久而不差或作藏毒下血帶青

黃色

胡黃連

炒

蕪荑

揀淨炒

夜明沙

各一分

右末猪膽汁和圓黍米大每服十圓陳米飲下無時

治赤白滯痢方

罌粟飲子治赤白滯痢

罌粟殼

半兩蜜炙

人參

去蘆一分

厚朴

去麁皮生薑製一兩

白茯苓

半兩

甘姜

一分炮

烏梅

三箇去仁連核用

御米殼

三箇阿膠

三片蛤粉炒焦去粉

右同末每服一錢水酒各半盞煎數沸溫服乳食前

嘔吐者不可服

三奇湯治白痢

御米殼

二兩塗
蜜炙

酸石榴皮

一兩塗
蜜炙焦

阿膠

半兩蛤粉
炒去粉

右細末每服半錢烏梅甘草湯調送下乳食前

治熱痢方

勝金圓治熱痢下血

黃蘗

去麋皮
半兩

赤芍藥

四錢

右末飯和圓如麻子大每服一二十圓米飲下乳食

前

當歸散治如前

當歸

去蘆并土
一分焙

芍藥

一分炒

黃連

去鬚一
分炒

枳殼

一分去穰
麩炒黃

右細末每服半錢水五分煎至三分溫服下血多者
入甘草一寸同煎乳食前

槐花散治血痢不差

槐花

揀淨炒

地榆

炒各
等分

右細末每服半錢一錢米飲調下乳食前

聖効散治血痢久不差

赤石脂

一兩燒赤

白龍骨

一兩煨

阿膠

一兩剉蛤粉炒去粉

訶黎勒

煨去核用半兩

木香

半兩

黃連

去鬚半兩

乾姜

半兩炮

甘草

半兩炙

右細末每服半錢煎粟米飲調下食前

厚腸圓治血痢腸虛

黃連

去鬚炒

川練子

去核各一兩

木香

阿膠

剉蛤粉炒去粉

當歸

去蘆并土

吳茱萸

去枝梗微炒各半兩

右細末粟米飯和圓黍米大每服一二十圓米飲下

食前

白梅飲子治血痢不止

右以白梅一枝去核鹽水研爛合臘茶醋湯沃服之
昔陳應之治曾相痢血百餘日諸醫不能療陳用此
一啜而差又梁相亦病痢血應之曰此挾水穀者用
三物散數服而愈

三物散

胡黃連

烏梅肉

竈下土

各等分

右末每服一錢臘茶清調下食前空腹溫服

又方治熱痢下血頻併不差

右以白梅五箇取肉臘茶二錢同研勻細每服一錢
或半錢白湯調服或以醋湯沃服之量大小加減食
前

黃蓮丹治如前

欽定四庫全書

小兒雜生藥微論方
卷十一

黃連

去鬚
二兩

當歸

去蘆并土
一兩洗焙

白頭翁

去蘆
三分

蔓菁根

三分洗
焙乾

木香

半兩

川練子

麴裏煨去
核用半兩

右細末粳米飯和圓黍米大每服十粒米飲下乳食
前或十五粒

必効圓主治如前

川黃連

去鬚
二兩

大棗

半升

乾姜

一兩

肉苳菴

一分麴裏
煨香去麴

右細末糊圓黍米大每服五七圓米飲下乳食前兒
大增之

雄黃散治腸胃虛冷下痢頻併腹痛不可忍後重努軀

肛脫

雄黃

一分研
細水飛

乳香

一分
研細

白礬

飛過一
錢研細

右同研勻每服嬰孩一字二三歲半錢陳米飲調下

日三服乳食前

艾葉湯治虛冷下痢白膿

艾葉

一兩
微炒

當歸

去蘆并
土一兩

乾姜

一兩
炮

木香

半兩

訶梨勒

煨去核
用半兩

右細末每服一錢水一小盞入粟米少許同煎至五分去滓溫服食前大小以意加減

又方治如前

右以臘茶一錢入熱醋少許調服乳食前大小以意加減

又方治如前

右以沙牛角鰓燒存性為末粥飲調下一錢或半錢乳食前

阿膠圓治如前

赤茯苓 赤芍藥

各一兩
為細末

右以米醋煮阿膠一兩和圓葉豆大米飲下一二十

圓乳食前

酒煎湯治腸胃虛冷泄瀉不止變成白痢

甘草

半兩
炙

右麋末每服二錢水一盞生姜三片棗一箇煎至半盞去渣放溫量大小加減服赤多者加黑豆十粒同

煎

三神丹治如前

右以肥大無尖草烏頭三箇各去皮一箇生一箇炮熟一箇燒作黑灰同為細末麵糊圓如蘿蔔子大每服三粒水瀉并花水下白痢乾姜湯下赤痢甘草湯下赤白滯痢乾姜甘草湯下食前

木香炒蓮圓治脾胃虛弱寒濕冷熱相搏滑泄下痢赤白

黃蓮

二兩麋好折開如金色者剉勻如豆大又用生薑四兩淨洗亦勻切如豆大同入石銀器

中炒不住手攪貴得勻也炒至生薑焦脆去姜不用只用黃蓮

訶子

煨去核用半兩

木香

半兩

右同細末以濕紙包粟米飯慢火煨水脉溜取出和

藥圓如菉豆大每服二三十圓食前米飲下神効

金鎖散治赤白滯痢日久不差

黃蓮

去鬚一分用菉萸一分同炒去菉萸不用只用黃蓮

厚朴

去麋皮半兩生薑製

右同細末嬰孩一字二三歲半錢紫蘇木瓜湯調下

日三服食前

赤脂丹治如前

赤石脂

乾姜

炮

肉苳菴

各一兩 麵裹煨香去麵用

右細末麵糊圓黍米大每服十粒米飲下食前

治小兒下痢膿血

萆澄茄

一兩

破故紙

半兩 炒黃

黃蓮

去鬚 半兩

木香

一分

右細末每服半錢陳米飲調下食日二服量兒加減

治小兒風邪所干下痢頻併裏急後重

以天南星一兩生為末每服半錢水二盞生姜十片
米十粒煎至半盞溫服食前

治小兒久痢藏毒下膿血不止

以好大棗一箇去核入黃丹半錢硃砂一皂子許臘
粉十文並研細置棗肉內用大麥麵裹慢灰火中炮
香熟去麵并棗皮了研極細入少軟飯圓如麻子大
量兒大小加減圓數煎槐花湯下甚者二服定食前
小桃花圓治小兒赤白痢

赤石脂

龍骨

煨

蜜陀僧

定粉

黃丹

炒紫黑色用

右等分醋糊圓萊豆大每服十圓十五圓米飲下乳

食前

治赤白諸痢

以蜂房燒末飲服量大小與又以鷄腸草取汁一合和蜜溫服良以雲母粉半兩更研極細量兒大小加減煮白粥拌只空腹食之

又以胡粉熟蒸熬令色變飲服之亦治無辜痢良大

小以意加減

治久痢不差

以沒石子二箇剉熬令黃研細作餽飢食之

治小兒諸痢香蓮圓

黃蓮

去鬚

龍骨

煨

白石脂

川姜

炮

枯礬

各一兩

右末以粟米粥和圓麻子大每服三十圓米飲下乳食前量大小與服

木香黃連圓治冷熱相雜下痢赤白裏急後重腹痛絞

撮及腸胃氣虛暴傷乳哺

木香

黃連

去鬚各一分

白附子尖

二箇炮

右細末粟米飯和圓葉豆大或黍米大每服十圓至二三十圓量大小與之食前米飲下日夜三四服

四神散治諸般赤白痢

當歸

去蘆并土焙

乾姜

炮

黃蘗

炒

黃連

去鬚炒各等分

右四味各自為末如水殼利各用半錢和勻量兒大小一錢至半錢濃煎烏梅湯調下赤痢者加黃蘗倍

之白痢者加乾姜倍之後重裏急腸痛者加黃連倍
之腹中絞痛者加當歸倍之並空心食前服沈存中
言予家常作此藥最獲大効

槲皮湯治如前

右以新槲皮不拘多少去外黑皮細切燉乾每服二
錢水一盞煎至半盞去渣更煎如膏量大小溫服立
差食前

又方治如前

右以鷄子一箇取清攤連紙一張令徧熬乾疊作四重色撮烏梅十箇有肉好者安熨斗內炭火燒烟欲盡存性取出頓一碗中上用盞子合之候冷研細更入水銀粉少許和勻量兒大小分三五服空心井花水調下如一服微利止後服

二色圓治如前神

吳茱萸

揀去枝梗二兩

黃連

去鬚二兩

巴豆

四十九箇去皮

右同於銚子內炒令黃赤色去巴豆不用只將上面

二味各自為末麵糊和圓如蘿蔔子大看大小緊慢
加減圓數如白痢只服茱萸圓赤痢只服黃連圓白
多赤少者多服茱萸圓赤多白少者多服黃連圓赤
白相等者中半服之

御米湯治如前

御米

十箇和
穀用

甘草

二錢
炙

當歸

去蘆洗
焙一分

黃連

去鬚
一分

右末每服一錢米飲調下乳食前

嬰粟圓治如前

瞿粟殼

一兩
蜜炒

酸石榴皮

燒存性
四錢

甘草

半兩
炙

阿膠

一錢
剉蛤
粉炒去粉

右末煉蜜和圓小鷄頭肉大每服一圓水六分盞化開煎至四分溫服乳食前

三烏圓治如前

川烏

一箇草烏

一箇巴豆

七箇

右各燒及九分同研細酒煮黃蠟鎔化入少好油拌和攪勻成膏每用旋圓菴豆大每服三圓看大小加

減血痢黃連湯下白痢乾姜湯下水穀痢倒流水下
赤白痢乾姜甘草湯下

固腸圓治赤白滯痢多日不可漸成羸瘦

黃連

去鬚
二兩

木香

二兩

半夏

二兩湯
洗七次

乾姜

二兩
炮

赤石脂

二兩火
煅五次

厚朴

去麋皮二
兩生薑製

白朮

二兩

右為細末麴糊和圓黍米大每服十圓米飲下乳食
前

建胃丹治赤白等痢疾日久疴羸

黃連

去鬚剉微炒一兩

白龍骨

煨半兩

白石脂

兩神麴半兩炒

烏梅肉

半兩炒乾

乾姜

半兩炮

白礬

枯一分

右細末醋糊圓和黍米大每服十粒十五粒米飲下

乳食前

妙應膏治久痢赤白諸藥不効

蜜陀僧

半兩末

黃丹

半兩研

定粉

半兩研已上三味同於鉢子內以醋拌勻

用火熬如茶褐色

訶梨勒皮

木香

各一兩並末

巴豆

十粒去皮膜壓

油盡砒霜

半錢研

麝香

一錢研

右同研勻細先以黃蠟四兩慢火鑠化入藥拌勻熬成膏每用旋圓黍米大未晬兒一粒二三歲兒二粒四五歲三粒六七歲五粒血多冷甘草湯下膿多溫艾葉湯下臨卧服忌熱物亦治積痢

金華散治滯痢多時羸瘦體弱不堪疾勢困重

右好黃連為細末每服一錢水一小盞煎至半盞入蜜少許和勻放溫服之日五六服食前

又方治如前

右以麻子一合炒香熟為末每服一錢溫蜜漿水服立効

木香三使湯治赤白久痢拖延時月至天寒不斷

右以木香方寸許黃連半兩水半升同煮至水乾去黃連不用只將木香薄切焙乾為末分三服第一服橘皮湯調下第二服陳米飲下第三服甘草湯調下乳食前

烏金散治赤白滯痢及有所傷下痢

右以青州棗不拘箇數去核入白礬末滿以紙裹煨
存性為末每服半錢米飲調下未愈宜取之如赤者
更入好茶半錢同調服白者不用

治積痢方

軟金丹治久積成痢

砒霜 雄黃

研水飛

巴豆

去皮膜

右三味等分各研細末先以黃蠟看多少於石銀器
內炭火鎔化入藥末竹篦子左右手各攪四十九遍

如此七次數足取下火乘軟搓成小錠以油單裹置新磁器中要用火烘軟旋圓如粟米大或如蘿蔔子大三五粒量大小病勢加減赤痢溫蘆汁下白痢或赤白雜下並米飲下乳食前

大尊重圓治虛中有積腸滑下痢裏急後重臍腹疼痛

粉霜

三錢

黃丹

半兩

定粉

半兩

硃砂

半兩

膩粉

二錢

京三稜末

一兩

白麵

五錢

少即

量添些小

右為末同勻滴水和圓煨乾炭火上炒令烈焦再

杵羅為末棗肉和圓菜豆大每服一二九米飲下乳
食前

朱砂萬應丸治積痢久痢滯痢一切諸痢多日不差

朱砂末

錢一

硃砂末

錢一

巴豆

七箇去皮膜

臘

二棗大許

右於銚子內先鎔蠟化入巴豆熬至黑焦去巴豆不
用却入上二味攪極勻放凝為劑如用旋丸如菜豆
大每服三九白痢艾湯下赤痢黃連湯下赤白痢黃
連艾湯下水穀痢新水下乳食前

針頭丸治如前

朱砂半錢砒一錢 巴豆七箇用油煎 硫黃只

使骰子大 研末更用蠟為丸

右旋丸針頭大每服一圓米飲下量兒大小加減圓
數食前

燒青丸治諸積痢

輕粉二錢 玄精石一分 霜粉一分 硃砂一錢

右為末入白麵二錢拌勻滴水 and 劑捻作餅子文武

火燒熟再研為細末滴水和丸芥子大漿水下三四
九一方保州邵廉訪方無礪砂却有龍腦一字餘並
同亦不燒只為末水浸蒸餅圓麻子大一歲兒一九
二三歲二九四五歲三九六七歲五圓並夜深空腹
冷水送下如虛中沉積泄痢膿血交下腹痛煩渴百
藥不効不敢取轉者服之便愈並不動氣忌一切生
冷油膩毒物又名瑞白丸

治痢痢方

在痢疾之下

治蠱毒痢方

育腸湯治蠱痢下血如豆汁赤水腹痛

瞿粟殼

五兩細剉蜜水洒勻炒黃

地榆

槐花

蜜拌炒赤

厚朴

去麤皮生薑製

甘草

炙

橘皮

去白

酸石榴皮

當歸

去蘆洗焙

白芍藥

五倍子

去其中蟲各一兩三錢

阿膠

蛤粉炒二兩去蛤粉

右為麤末每服二錢水一盞入陳粳米二十粒飭一塊皂子大煎至五分去滓溫服食前

緩腸湯治蠱痢如前

人參

去蘆

白朮

當歸

並去蘆土

白茯苓

厚朴

去麋皮生薑製

白芍藥

甘草

炙各一兩

阿膠

蛤粉炒去蛤粉

黃耆

炙

陳粳米

炒各二兩

御米殼

三兩蜜炙黃

右為麤末每服二錢水一盞入生薑三片棗一箇同

煎至五分去渣溫服空腹食前日三服

犀角散治蟲痢如前

犀角屑

地榆

剉

黃連

去鬚剉微炒

栢葉

微炒

黃蘗

微炙

黃芩

當歸

去蘆土洗淨微炒

赤薜荔

取葉

生地黃

各一兩

右為細末每服一錢粥飲調下乳食前

地榆圓治蠱痢腸中畜毒下血如豆汁或諸惡物

地榆

一兩多劉

黃連

去鬚一兩

乾藍葉

一兩

川升麻

一兩

川練子

去核半兩

苦練子

去核半兩

右為細末軟飯和丸如黍米大每服十九米飲下量
大小加減乳食前

地榆檮皮丸治如前

地榆

四錢

檮根白皮

三錢

白芍藥

一錢半

阿膠

蛤粉

炒去粉一錢

當歸

去蘆洗淨一錢

烏梅肉

二錢半

木瓜

一錢半

枳殼

去穰麩炒黃一錢

茯苓

一錢

肉苳蔻

一箇麩裏煨去麩

甘草

二錢炙

木香

一錢

綿姜

半錢炮

金櫻子

二錢

人參

去蘆半錢

右為末煉蜜丸麻子大每服三二十九米飲下乳食

前

地榆散治蟲毒痢下血或如鷄鴨肝片腹痛不止

地榆

一兩

甘草

半兩炙

赤芍藥

一兩

栢葉

一兩微炒

茜根

一兩

當歸

去蘆洗淨一兩微炒

訶梨勒

煨用皮一兩

黃連

去鬚微炒一兩

右為麤散每服二錢水一小盞煎至六分去滓溫服
乳食前

白頭翁散治蠱毒痢如鷄鴨肝片隨膿血而下

白頭翁去蘆黃連去須微炒茜根劉焙蘇枋木劉

故鼓皮灸焦各一兩犀角屑半兩地榆半兩甘草一分

右為細末每服一錢水一小盞煎至六分去滓溫服
乳食前

地黃汁治蠱痢畜毒下血

右以生地黃汁一升分四五服量大小與服食前立効

治休息痢方

鮮湯丸治休息痢下五色膿血如爛魚腸無糞腸中攪痛

粉霜

錢一

輕粉

錢一

朱砂

錢一

硃砂

錢一

白丁香

錢一

末

四錢

乳香

半錢

巴豆

七箇

心

不出油

右為末和勻熬去皮棗肉為丸粟米大嬰孩二三圓

二三歲兒四五丸旋九兒大者圓如麻子大鮮湯送
下日三服及與調胃氣藥間服大良亦治積痢蠱痢
藏毒痢

神安圓治如前

砒霜

一字龍骨

二字

烏魚骨

三字

赤石脂

二字

茯苓

三字

黃連

去鬚
三字

定粉

三字

乾姜

炮
三字

黃丹

火飛
三字

右為細末入麝香少許拌勻飯和丸黍米大每服五
圓輕粉湯下亦治諸痢赤者甘草湯下白者乾姜湯

下赤白雜者乾姜甘草湯下

檮根散治積年毒痢無休息

檮根白皮

大眼樹是也取北陰下根一截擘破用之無北陰下者亦可

訶子

七箇取皮去核

右用河水三升煮取一升去滓時時呬服一方二味等分為麤末每服二錢水一大盞煎至半盞去渣溫服時時呬服痢住喫淡粥飲乳將息

治諸痢雜証

龍骨散治下痢體熱煩渴

白龍骨

一兩煨

茯神

三分

人參

去蘆三分

胡黃連

半兩

茅根

三分剉

麥門冬

去心焙三分

右為散每服一錢水一小盞煎至五分去滓服乳食

前

青黛散治下痢發渴不止

時舉方

青黛

一分

乾藕節

一兩

蜜陀僧

半兩

漢羅

乃旱螺一分

右為末每服半錢米飲調下無時

冬瓜汁治如前

右杵冬瓜汁飲之

烏梅飲治如前

烏梅

十箇
去核

麥門冬

一分
去心

蜜

二兩
半

右分為五七服用水一小盞煎半盞入蜜攪勻服之

無時

楮葉湯治下痢發渴得水飲便嘔逆不止

右以楮葉炙令黃香用漿水半升浸之候水綠色去

葉以木瓜一箇切碎內汁中煮五七沸去木瓜放溫
細服無時

治嬰小下痢腹大且堅

右以衣中白魚摩腹上

治小兒熱下黃赤汁沫及魚腦雜血肛中瘡爛坐蛩生

蟲

黃連

去翳土

藥皮

炒

苦參

鬼舊

獨活

去蘆

橘皮

芍藥

阿膠

蛤粉炒去蛤粉各半兩

右為末以藍汁及蜜和丸小豆大日服五圓至十九
冬時無藍汁用子一合為末入藥內

治小兒久痢膿汁濕蟹生瘡

右以艾葉一味每服二錢水一盞煎至半盞去滓溫
服更量大小加減乳食前

治小兒下痢腹脹堅硬

右以故衣帶多垢者切碎水三升煮取一升分服

治小兒卒暴下痢

以小鯉魚一頭燒灰末之米飲調下

以鷄子和黃蠟作煎餅與服

又以林檎楮子同杵取汁服以意服之

黃柿餅治秋痢

以黃柿搗和米粉作餅或作粥與食之

治小兒洞下滑痢

以羊角中骨燒存性為末飲調服方寸匕

治小兒脾胃虛怯泄痢腹痛

以揀肉苳蔻絕大好者一箇開一深竅填乳香一塊
用醋麵裹了慢火煨麵熟將藥為細末麵糊和丸莖
豆大每服二十九乳食前米飲下

養胃丹治小兒藏寒下痢白膿頻數

附子

一枚重半兩者
炮烈去皮臍

赤石脂

一兩
川姜
一兩
炮

訶梨勒皮

一兩

右為細末粟米飯丸黍米大每服十粒米飲下乳食

前

脫肛

小兒脫肛者謂大腸肛頭脫出也此因瀉痢日久腸滑冷氣相搏裏急下重而便難用力努軀致肛頭脫而下出寒冷干乘不能收返得入今叙治方于後

治小兒肛頭脫出

以故麻鞋底炙熱得所按令入頻頻按之即不出或燒鼈頭灰研細附上然後按入永差

以木賊燒存性為末摻上用手按按令入

鼈頭丸治小兒因瀉痢及冷搏積久脫肛下出不能返
收腸中疼而不得入

死鼈頭

二箇炙令焦

小蛻皮

一箇炙令焦

磁石

火煨米醋淬不計遍數以

易碎為度四兩

桂心

三兩不見火

右為細末煉蜜和丸小豆大三歲至五歲兒五七丸
溫米飲下日三服一方不用鼈頭只三味

赤石脂散治因瀉痢努軀氣下推出肛頭不入

真赤石脂 伏龍肝

等分

右為細末每用半錢傳肛頭上頻用按入

蛛丹散治因瀉痢脫肛疼痛

又名黑神散

右以大蜘蛛一箇瓠葉重裏繫定入合子內燒黑灰存性入黃丹少許研勻凡用先煎白礬葱椒湯洗拭乾將藥末摻在軟綿上手掌按按入收之甚妙亦治大人又一方桑葉裏鹽泥固燒

蕪荑丹治久痢大腸虛冷肛門脫出

白蕪荑

去枝一兩微炒

鼈甲

一兩酥炙黃去裙襴

蝸牛殼

一兩炙焦

磁石

燒醋淬十次研水飛

黃連

去鬚微炒半兩

蚘蛇膽

半兩

右為細末軟飯和丸黍米大每服十粒粥飲下乳食

前

二金散治久痢腸頭虛冷肛門脫出

龍骨

一兩煅

枯鼈殼

一枚塗酥炙黃用一兩

右為細末每用一字或半錢乾摻上按按內之

又方以白龍骨研如粉撲之

又以鼈頭燒灰細末撲之

又以沿桑螺燒末和豬膏傅上立縮收之此螺全似
蝸牛而微黃小雨後沿桑而生

又以虎骨燒末水調服半錢或一錢日三甚良

治小兒大腸隨肛帶出轉久不能收之

以生括樓取汁塗之

以豬肉汁蘸手隨按之令暖自入

又以乾胡荽切一升燒烟熏之則縮入

又以木賊不拘多少燒存性為末摻上按按之

縮沙散治小兒滑泄肛頭脫出

以縮沙一兩去皮為末每用一錢以豬腰子一片批開入藥末在內線繫米泔煮熟與兒食之次服白礬丸如脫肛氣逆遍身虛腫喘急者死不治

白礬丸

白礬

枯

定粉

寒水下

煨各等分

右為細末爛飯研細和丸黍米大每服五丸煎烏梅湯送下乳食前

斗門散治小兒瀉痢多時青黃羸瘦脫肛不收

訶子肉

枳殼

去穰麤炒黃

地榆

各等分

右為細末每服一錢米飲調下一歲下者半錢乳食

前

又方治如前

香附子

荊芥穗

等分

右為麤末每用三匙以水一大碗煎十數沸淋科

又方以浮萍草不拘多少熬乾杵為細末乾貼上以蜩

蝶兒不拘多少陰乾為末塗手心按上即止

小兒衛生總微論方卷十一